

Allannguutissatut siunnersuut
uunga

**Uunga siunnersuut: Kommunalbestyrelsinut, nunaqarfinni aqutsisunut ilagiillu
sinniisaannut qinersisarnerit pillugit Inatsisartut inatsisaat nr. x, xx.xx 2012-imeersoq.**

Aappassaaneerinninnermut Inatsisinut Ataatsimiititaliamit saqqummiunneqartoq.

§ 1-mut

1. § 1, *imm. 1*, ima oqaasertalerneqassaaq:

”Kommunalbestyrelsimut qinersisinnaatitaavoq § 3-mi eqqaaneqartut eqqaassanngikkaanni kinaluunniit folketingimut qinersisinnaanermut ukiussarititaasunik naammatsitsisimasoq qinersinissaq sioqqullugu sap. akunnerini arfinilinni kommunimi pineqartumi aalajangersimasumik najugaqarsimasoq aammalu

1) qallunaatut innuttaassuseqartoq aammalu qinersinissaq sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq, imaluunniit

2) sivikinnerpaamik ukiuni pingasuni naalagaaffimmi najugaqarsimasoq qinersinissarlu sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq.”

§ 5-mut

2. § 5, *imm. 1*, ima oqaasertalerneqassaaq:

”Kommunalbestyrelsimut qinigaasinnaatitaavoq kinaluunniit § 1 imaluunniit § 2 naapertorlugit tassunga qinersisinnaatitaasoq, pineqartoq ukiut kingulliit tallimat ingerlaneranni inaarutaasumik eqqartuussinikkut akiliisitsissutissamilluunniit akuersinikkut pinerluttulerinermi inatsisit tunngavigalugit pineqaatissinneqarsimanngikkuni imaluunniit ukiut kingulliit pingasut ingerlaneranni pissutsimut nalinginnaasumik isigineqarnermi kommunalbestyrelsimut ilaasortaanissamut naleqqukkunnaarsitsisumik pinerluttulerinermi inatsisit tunngavigalugit pineqaatissinneqarsimanngikkuni. Piffissaliussat taaneqartut ullormit qinersivimmiit atuutissapput.”

Siunnersuummut nassuiaatit

Nassuiaatit nalinginnaasut

Allannguutissamut siunnersuutip tunuliaqutaa siunertaalu Inatsisinut Ataatsimiititaliap aappassaaneerinninnissamut isumaliutissiissutaani erseqqinnerusumik nassuiaatigineqarpoq. Tassungalu innersuussisoqarpoq, kiisalu aalajangersakkat ataasiakkaat nassuiaatitaannut.

Aalajangersakkanut ataasiakkaanut nassuiaatit

Nr. 1-imut.

Kommunalbestyrelsinut qinersisinnaanermut piumasaqaataasut atuuttut ingerlatiinnarnissaat siunnersuussutigineqarpoq.

Inatsisissatut siunnersuutip aappassaaneerneqarnissaanut Inatsisinut Ataatsimiititaliap isumaliutissiissutaani immikkoortoq 3.1.-imut innersuussisoqarpoq.

Nr. 2-mut.

Innuttaasut Kalaallit Nunaata avataani najugaqarallartut, erseqqinnerusumillu nassuiaatigineqartut kommuninut, nunaqarfiit aqutsisuinut kiisalu ilagiit sinniisaannut qinersisinnaanermut Naalakkersuisut inatsisissatut suinnersuutaatigut periarfissinneqarput.

Innuttaasut pineqartut aamma qinigassanngortinnissamut periarfissinneqarnissaat ilanngullugu siunnersuutigineqarpoq.

Inatsisissatut siunnersuutip aappassaaneerneqarnissaanut Inatsisinut Ataatsimiititaliap isumaliutissiissusiaani immikkoortoq 3.4-mut innersuussisoqarpoq.